

## Nunanut allanut niuerneq 2013

### Nioqquissanik eqqussuineq nunanullu allanut tunisineq appariartut

**Nunanut allanut niuerneq  
1,1 pct.-mik appariarpoq**

Nunanut allanut niuernerup nalinga 2013-mi 31 mio. koruuninik appariarpoq, appariaat 1,1 pct.-iulluni. Nunanut allanut tunisani appariarnerpaasimapput *Inuussutissat nersutilu uumasut*. Nunanut allanut niuernermi *Raajat* tunisat 113 mio. koruuninik aammalu *Saarullit* tunisat 24 mio. koruuninik appariarsimapput. Paarlattuanik *Qalerallit* aammalu *Aalisakkat allat* nunanut allanut tunisat qaffariarsimapput, taakkua 55 mio. koruuninik aammalu 56 mio. koruuninik qaffariarsimamik.

**Nioqquissat eqqussukkat  
nalingat 7,6 pct.-mik  
appariarpoq**

Nioqquissat eqqussat nalingat 2013-mi 380 mio. koruuninik appariarput, appariaat 7,6 pct.-iulluni. Nioqquissanik eqqussuinermi appariarnerpaasimapput *Maskiinat as-sartuutilu*, taakkua eqqussat nalingi 167 mio. koruuninik appariarsimagamik, appariaat 16,7 pct.-iulluni.


**Takussutissiaq 1**

**Niuernerup oqimaaqtigiiissinera 2009-2013**

	2009	2010	2011	2012	2013
1.000 kr.					
<b>Niuernerup oqimaaqtigiiissinera . . . . .</b>	<b>-2.110.447</b>	<b>-2.600.225</b>	<b>-2.714.329</b>	<b>-2.213.198</b>	<b>-1.864.494</b>
Nioqquissat eqqussukkat . . . . .	4.097.028	4.794.712	5.350.648	4.995.811	4.616.047
Nunanut allanut niuerneq	1.986.581	2.194.487	2.636.319	2.782.612	2.751.553

Takussutissiammi takuneqarsinnaavoq niuernermi oqimaaqtigiiisitsinermi amigartoorut ukiup siulanut sanilliullugu 2013-mi 349 mio. koruuninik milleriarsimasoq, ukiup siuliani amigartoorut 2.213 mio. koruuniusimagami. Titartakkami takuneqarsinnaavoq niuernerup oqimaaqtigiiissaarnerata 1981-miit 2013-mut qanoq ineriat-torsimanera.

**Titartagaq 1**



*2011-mi 2012-milu  
nunanut allanut  
niuernermi kisitsisinik  
misissueqqissaarneq*

Nunanut allanut niuernermi kisitsosit nuna tamakkerlugu naatsorsuutinut atorneqarnissaannut suliarineranni takuneqarsinnaalersimavoq, umiarsuarnik timmisartunillu eqqussuineq avammullu tunisinerup kisitsisaasa allannguuteqarfiginissaat pisariaqartoq. Aammattaaq avammut aalisakkanik tunisinerup misissoqqissaarnerani paasinarsisimavoq avammut tunisat nalingat allannguuteqarfiginissaat pisariaqartoq. Taakku avammut tunisat eqqusukkallu nalinganut allannguutigineqartut saqqummersitap kapitali 7-anni takuneqarsinnaapput.

*Pdf-fiilinngorlugu*

Saqqummersitaq *"Udenrigshandel 2013"* Kalaallit Nunaanni Naatsorsueqqissaartarfiup nittartagaani, [www.stat.gl](http://www.stat.gl)-imi pdf-filitut pissarsiarineqarsinnaavoq.

Paasissutissanik sukumiinerusunik kissaateqartoqassaguni Naatsorsueqqissaartarfimmi siunnersorti Najaaraq Christiansen e-mail-kut [nakr@stat.gl](mailto:nakr@stat.gl) (oqar. 34 57 75) saaffigineqarsinnaavoq.

---

Eventuel henvendelse  
Najaaraq Christiansen  
E-mail: [nakr@stat.gl](mailto:nakr@stat.gl)  
Telefon: (+299) 34 57 75